

آبونه شرائطی

داخلی، خارجی، هری راجیون
سنه لکی (۲۵۰)، آلتی آیلانی
(۱۳۰) فروشدر .

نسخه سی ۵ فروش،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات

آبونه بدلی پشیندر

مسلكه موافق آثار مع المنونیه
قبول اولنور . درج ایدلین
یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ارباب

اتبعون اهدکم سبیل الرشاد

دینی ، فلسفی ، علمی ، ادبی ، سیاسی هفته لقی مجموعه اسلامیه در
صاحب و مدیر مسئول

باش هرر

صاحب و مدیر مسئول

۱۳۳۸

الرشاد

اخطارات

ادرس تبدیلنده آبرجه بش
غروش کوندرملیدر

مکتوبلرک امضالری واضح
واوقوناقل اولسی و آبونه صره
نومروسی محتوی بولمسی
لازمدر

ممالک اجنبیه ایچون آبونه اولانلرک
آدرس لری ناکه فرانسه رجه ده یازلمسی
رجا اولنور

باره کوندردلرکی زمان نهیه دائر
اولدینی واضحاً بیلدیرلمسی
رجا اولنور

شیخ الاسلام افندی حضرتلریله مهم بر ملاقات

آمریقاده ایچکینک قانون مخصوص ایله منع ایدیلدیکی معلومدر . بو خصوصده محافل اسلامیته نکه نقطه نظری و ایچکی حقنده کی احکام اسلامیته آکلامق اوزره آمریقا مطبوعات متحده مخبری شیخ الاسلام حیدری زاده ابراهیم افندی حضرتلریله بر ملاقاتده بولونمشلردر . مخبر مومی ایله طرفندن تحریری اوله رق ایراد اولونان شایان دقت سؤالره ذات حضرت مشیختیناهی طرفندن ینه تحریری اوله رق پک مهم جوابلر ویریلشدر . آمریقاده بویوک تأثیرلر اجرا ایدمچکی شهسز اولان بوملاقات مهمه یی عیناً درج ایله ترین صحائف ایلدورز :

— آمریقاده وضع اولنان ایچکی ممنوعیتنه محافل اسلامیته نه نظاره باقیدور ؟

— بوممنوعیت ایچکینک تحریمی حقنده کی احکام اسلامیته نکه اصابتی اثبات و تأیید ایلدیکندن ناشی بالطبع افتخار و ممنوعیتله تلقی اوتیور . — دین اسلام مشرقی نه زمانه و یچون نه صورتله منع ایتشدی ؟ — اسلامیت مبادی ظهورنده کرچه شرایع سالفدن مدور اولان ایچکینک تحریمی یوله کیتمیدیسده ایچکینک عقلی ازاله ایله تلف حاله سبیت وریدنکندن بختله امام همراه معاذ وینه اصحابدن دیگر بر ذات طرفندن حضرت پیغمبره مراجعت واقع اولدی . انک اوزرینه (ایچکی ده مضرت و منافع موجود اولوب آنجق مضراتی منافعه غالب اولدینی) مألومده کی آیت کریمه نازل اولدی . بوکامنی بر قسم مسلمانلر ایچکی ی ترک ایتدیسده بر قسمی ده دوام ایدمکشدی . بالآخره اصحابدن عبدالرحمن بن عوفک بر اقشام خانه سنده وقوعبولان بر اجتماعده بعضاری حال سکرده اولدینی حالده نمازی ادایه باشلامش و نمازده بر آتی یا کلش او قومش اولدقاری جهته (سرخوشلق حالده نماز تقرب اولنماسی) حقنده کی آیت کریمه شرف نازل اولدی . بو حادثه اوزرینه ده عشرت ایدنلرک مقداری محدود بر درجه یه تنزل ایتدی . بالآخره انصار دینیلن مدینه لی اصحاب ایله مشهور عراق فاتحی سعد بن ابی وقاصک داخل اولدینی بر مجلسده ینه بویوزدن بر منازعه و مضاربه ظهور ایتمش و حتی سعدک بوقعه ده باشی یارلسی اوزرینه حضرت عمر (یازی) ایچکی حقنده شافی بر بیان قطعی احسان ایت (دیو نیازده بولندی . انک اوزرینه) ایچکی اعمال و افعال شیطانندن بر فعلدر . نائل فوز و فلاح اولق ایچون آندن توفی و اجتناب ایدیکز) مفادنده کی امر قطعی قرآنی نازل اولدی .

— ممنوعیتله تدریجی اوله رق وضع بیورلارنک حکمتی نهدر ؟

— قانون الهینک دائمی مصالح عبادک حسن تنظیمله عسرت و مشکلاته معروض قالماسی اساسنه مستند بولندیکی معلومدر . اسلامیتک ظهوری زماننده ایسه خلقک ایچکی یه میل و انهما کی زیاده اولقله برابر تجارت صورتیه ده ایچکیدن بر جوق منافع تأمین ایدیوردیلر . شو حاله نظراً دفعه منعی اسلاملر حقنده صعوبت و مشکلاتی بادی اوله جفتدن ناشی بوبابده رفق و ملایمت طریق اختیار اوله رق منع حقنده کی او امر معلومه الهیه تدریجی بر صورتده شرفصادر اولمشدر .

— مسلمانلرک عصرلرجه مدت مشروبات کتولیه استعمالندن توفی ایتلری بدن ، اخلاق ، اجتماعی نقطه نظرده نه کی نتیجه لر حاصل ایتشدور ؟

— ایچکینک بدن انسانی اوزرنده اجرا ایتمکده اولدینی تخریبات محتاج ایضاح اولیان حقایقنددر . نه حاجت ! بوکون بو مصیبت قارشو مصون اولان بعض بلاد اسلامیته اهالیسیله بو بلایه مبتلا اولان یرلر اهالیسی بیننده بینه و اخلاق اعتباریه اولان فرق در حال نظره چاربار درجه ده در . عشرتک اخلاق اوزرنده کندیته مخصوص اولان تأثیری ده بشقه در . سائر معاصی یه قیاس اولنماز . مثلاً بر آدم فعل زنا یی بر کره ارتکاب ایدنجه وجودینه در حال بر فتور طساری اولور . عینی زمانده او فعلی تکرار ایدرسه متعاقباً مالی حاصل ایدوب نفرت ایتمکده باشلار . فقط ایچکی اوله دکلدور . دوام ایتدکجه شاربک نشه و رغبتی ترید و احتراصات نفسانیته سی تشدید ایدر . قوه عقلیه سی کیتدکجه ضعفه اوغرامغه باشلار و بو صورتله لذات بدنییه یه استغراق ایدوب الهی و کندی نفسی اونوتور . واک بیسوک جرم و قباحتی کوچک ، بلکه ده مباح کورمک کی بر سقامته طوتیلور . بو حالده بر جوق فالفلرک تسلسل ایدمچکی و بر طاقم حادثات الهیه نکه ظهوریه برابر بر جوق عالیه لرک نظام و انتظامی ده مختل اوله جفی معلومدر . ایشته شریعت اسلامیته ایچکی ده کی محاذیر عظیمه یه بناء بوکا متعاسر اولانلرک حقنده مجازات اخرویه دن بشقه حد شرعی کی دنیوی بر مجازات دخی ترتیب ایتمش و اسلامیتک عصر سعادت ایله آتی تعقیب ایدن قرن اول و ثانیده کوسترمش اولدینی آثار ترقیده ایچکی ممنوعیتکده قسماً دخل و تأثیری اولمشدر .

— ممنوعیت قارشو کوسترین رعایت نهدن خللله از اولمدر ؟ بونک سببی ایران ویا آوروپا تأثیراتی میدر ، یوقسه قدیم رومالیرده اولدینی کی مسلمانلر قدرت و ثروت صاحبلی اولمندن سکره اخلاقینه خلل کلدرک عشرتی میل ایتملر ؟

— بونک ایچون بر جوق سییلر واردر . بو سییلرک برنجیسی عصر سعادتله آتی تعقیب ایدن اصحاب و تابعین حضراتی زمانلرنده مسلمانلرده کی صلابت دینیته نکه بعض اسباب و حادثات کونیته نکه تأثیریه پیدرپی ضعفه اوغرامش اولسی ، ثانیاً فتوحات اسلامیته نکه توسعی منا سبتیه مشروبات کتولیه یی استحلال ایدن عناصر غیر مسلمیه ایله اسلاملرک حال اختلاطده بولنمی در . شرقه مخصوص واکثریتله ایچکینک مدخنه متعلق اولان طرز ادبیات و اشعارکده بونده بر دخل و تأثیری اولمشدر . چونکه فلسفه دینی و عقلیه سی بر میزان صحیح و سالم اوزرینه ابتنا ایدمیان بر طاقم کیمسه لرک غایت لطیف ورنکین بر طاقم خیالات ایله

ترین ایتش اولان مضامین ادبیہ نیک تاثیرندن بحفاظت نفس ایدہ بیللمہ سی قولای بر مسئله دکدر . بعض اعظم واکابر صوفیہ نیک بر ذوق و نشو و معنویہ نیک تاثیر و غلیانیلہ لسان لاهوتیلرندن صدور ایتش و مفاد و معانیلہ آنجق بو مسلك عالینک واقف و متخصصلرنجہ معلوم بولنش اولان بعض تعیرانده نشو و ذوق کبی بر وجه شبه علاقہ سیلہ استعمال ایدیلن مسکراتک استعارہ صورتیلہ ذکر ی یولہ کیدلمسی مقصودی آکلایان بعض جهله ناس اوزرنده تاثیردن خالی قالمشدر . بوندن بشقه بوضو ک عصرلرده مشروبات کتولیلہ استحلال و بونک ایچون بر طاقم مؤسسہ و تجارتخانه لر کشادنده سربست اولان آورو بالیلرله دول اسلامیہ اختلاط و برطاقم عهود ایلده مقید بولندقلرندن میخانه لک سد و بند ی و سرخوشلر حقندہ شرعاً معین اولان جزائک تطبیقک ممکن اوله مامسی ده ایچکینک اسکیندن زیاده تعمم ایتسنه سبیت ویرمشدر .

— اسلامیت عشرته یچون ام الحیثات نامی ویرمدر ؟

— بوتعیر (ایچکی فالحلرک آناسیدر) حدیث شریفندن مأخوذدر . ایچکینک ام الحیثات تعیریلہ تسمیه سی ایسه بالاده ده ایضاح اولدینی اوزره عقلی ازاله و بو صورتلہ بر جوق فساد و وجود کتیزمکده اولسندن ناشیدر . نظام حیاتک الشرفلی مداری اولان عقله خصوصیت ایدن بر قوت بالطبع خبیث اولدینی کبی خیانتکده مولیدر .

— عنوویت دینیہ نیک انفاذی ایچون نه کبی تدبیرلر مراجعت اوله جقدرد ؟ بو خصوصده بالکیز ممالک عثمانیه ده می ، یوقسه بتون ممالک اسلامیہ ده می ؟

— بوبابده ایکی صورت تدبیر مراجعت مجبوریتندہ یز . بری شیمندی یه قدر بوبابده حکومت ملکیه و ضابطه جه وضع ایدلمش اولان بعض تقیداتدن استفاده ایتک و یکیدن برطاقم قوانین مانعه وضع ایتک ، دیگر ی ایچکینک تولید ایتدیکی بدنی ، اخلاقی و اجتماعی محاذیری متضمن ادله مقنعه ی محتوی رساله لک نشر و تعمیمی صورتیلہ خلقک قناعتی تأمینہ بجالیشمقدن عبارتدر که نجح اک مؤثر ی بودر . و تاثیر ده بتون ممالک اسلامیہ یه شامل اولور .

— عجباً دولت عثمانیه نیک انحطاطنه بالکیز دینی خصوصلرده کی مبالاسرائمی سبب اولمشدر ؟ یوقسه بونک باشقه سبیلری ده واریدر ؟

امویه و عباسیلردن صوکره اوچنجه بر خاندان خلافت اولق اوزره تأسس ایدن و عالم اسلامیه آناریلہ ثابت اولدینی اوزره اسلافی بولان اوایکی خانداندن ده زیاده خدمات برکزیده ایقاسنه موفق اولمش اولان آل عثمان خاندانی حد ذاتندہ بیوک صلابت دینییه مالک اولقله برابر کرک سلجوقیلرک اثر غیرتی و کرک بوسالاله نیک دینه ویردیکی اهمیتک نتیجه سی اوله رق معارف دینییه سی اووقته کوره غایت اساسی بر صورتده تأسس ایتش بولان آناتولی قطعہ سنده بنای سلطنتلرنی قورمش و خدمات دینییه سی و بالخاصه کافه مسائلده احکام شرع عالی یه توسل و رعایتی آفاق اسلامیہ ده بر حسن تاثیر وجود کتوردیکی جهته دائرة فتوحاتلری کون بکون توسع ایدرک از زمان طرقدہ هموم عربستان ایلہ حرامین محترمی و کردستانی حوزه ممالک لرینه افخاله و خلافت اسلامیہ کبی بر وظیفه مهمه و مقدسه یی ده احرازه موفق اولمش و بو

صورتله اوخاندانه مخصوص بر مسلك سیاست تعقیب ایتش اولدقلری ایچون زیر لوای محمدی ده اجتماع ایتش اولان و عناصر مختلفه دن تشکیل ایدن قوای اسلامیہ بلاتردد عثمانی لوای احتشامی طوبیلائی جانہ منت عد ایتش و دینک تعالیسی اوغورنده و بونخاندانک خدمتندہ فدای جان ایتکی اقدم و طائف عدایملشدر . و قناکه فن اوروپاده بر علم مخصوص حالنی کسب ایتش اولقله برابر دول مجاوره غریبه نیک ترقیات صناعیه و اقتصادیه لری دخی غالیترنی تقویه ایدمک بر درجه یه واصل اولدی ؛ در حال اوروپانک صناعی و اقتصادی تعقیب ایتش اولدقلری طریق ترقیه سلوک ایتشی بر وجیه شرعیه ایکن موقع جغرافیسنک کندیسنه تأمین ایتش اولدینی وضعیته و رقابت دولیه یه اعتماداً بونقاط مهمه دن تغافل ایتدیکی ایچون دولتک قدرت و عظمت سابقه سی بالطبع کوندن کونه تناقص ایتک باشلادی . چونکه قرآن عظیم الشانک هر آیتندن استدلال اولونه جنی اوزره جناب حق مسلمانلره دائماعقل ایلہ متصف اولق اوزره خطاب بیورمش و خصوصتی ملحوظ اولان قوتلرک اسباب تسلط و غالیترنی صورت دانعه ده بالتدقیق اکا کوره وسائط مدافعه و مقابله یه مسارعت و اقطار عالمده موجود بالجمله اثار و عرفانی تدقیق و تتبع ایدوب سی و عمل طریق تعقیب ایلہ علوم و صنایع موجوده عالمی اوکر نیک تجارت و زراعت مسلک لرینه سلوک ایتک خصوصاتی مواضع عدیده ده کراراً و تأکیداً امر بیورمشدر . ایشته یز دینک امر ایتش اولدینی بو بوکا مائل بر جوق فضائل سیاسی و اخلاقیه و اجتماعیه دن غافل قالدیغمزدن بالاستفاده فلاکت مز ی سیاست مخصوصه لرینک نمره سی عد ایدن بعض دولتلر وسائل مختلفه ایجاد ی ایلہ دولتک امور داخله سنه مداخله و عناصر غیر مسلمه یی دولت علیه دن تبریده موفق اوله رق وضعیت یی بو حاله کتیر دیلر و هر نه زمان دولته اصلاحات حقیقیه اجراسنه تشبث اولندیسنه خفی و جلی برطاقم موانعک احدائی صورتیلہ سبب صلاح و ترقیمزه مانع اولدیلر . مع مافیه توالی ایدن بونجه مصائب دن عالم اسلامیتجه مهم بر بر اثر تیقتک وجود کلدیکی و کره ارض اوزرنده کی اسلاملرک مربوطیت مغنویه و جاذبه دینییه نتیجه سی اوله رق مقام خلافت اطرافنده صدای تعظیم و احتراملری کیتدکجه یو کسلمکده اولدینی ده جای انکار دکدر .

موعظه

دارالحکمة الاسلامیه اعضاسندن استاد حکیم فرید بک
افندی نیک آیاصوفیه ده کی موعظه لری

— ۲ —

اعوذ بالله من الشیطان الرجیم . بسم الله الرحمن الرحیم . (ادع الی سبیل ربک بالحکمة والموعظه الحسنه و جادلهم بالتی هی احسن ان